



秋澗先生大全文集第十九

七言律詩

老境六適并序

夫人生百歲如馳驅過隙能幾七十者又復幾人
所謂倘來外物猶浮雲過日亦何足道哉因感壯
年所行多輕生之事趨前太猛一也讀書過分二
也飲酒無量三也妄慮坐馳四也喜談耗氣五也
戰藝多勞六也不肖今年已踰六旬念此六失覺
五十九年之間何翅是耳而驚而愕且畏且怖豈
勝既哉故養生之念蹶然生于中蓋其勢有不得
不然者因作老境六詠庶幾與吾同疾者聞之不
無少有所戒亦老者安之之意也至于直達性情

以救往失初不以工與拙為計也幸觀者無謂至
元二十四年冬十一月一日秋澗老人謹白

飯飽即步

殘書讀罷午殮餘信步徐行當澤車接武徑過通德
里談玄時到故人廬老便步穩靴無襪靜愛聲瓊佩
有珺相送歸時燈已上到床一枕即華胥

目倦忘書

辛苦雙明六十強滿前花黑埋應常酒盃縱對甘無
分書卷相看任久忘虛室靖深便默坐午窓晴爛怯
餘光悠悠未了三千牘吟諷從今付窻郎

言慎養氣

聚首閑談足是非到頭贏得小人歸屬垣有耳嘗聞

舌守口如餅慎動機玆惜無先吾氣浩坐忘深識道
心微客來客去俱恬靜克已存誠恐庶幾

食甘戒飽

食前方丈肉如陵莫遣分毫胃氣勝百斛盡從中所
過微軀能不病相仍已飢便餒甘能止過軟雖鮮熱
即乘此是老坡真聖樂免教携杖去騰騰

寤寐絕思

夢神依例到殘更目似鰥魚了不暇正為膽寒增展
轉不緣身老惜伶俜滌除玄覽歸安靜宰制心君入
杳冥昨日早興襟韻足不知青鏡鬢星星

息藝休心

辭筆縱橫更老成祗來虛譽不根經風雲滿眼嗟何

有月露盈箱笑未停肆口成章終妄作忘言休思是
頤齡千洲直在心齋妙一字何嘗及性靈

坐倦即眠

坐暖團蒲倦自然夢歸先到蝶飛邊
簪窠絕疑盤石肩并斜傾似墮
香散餘馨袖翠被燭搖寒影掩
殘編老來境界無多味飢即思
殮困即眠一作不教氣加語

和論性篇中

香冷燈殘靜枕惟竹牕幽思獨依依
時情久與詩情澹銳氣潛隨夜氣歸
空控孤膺墜鶻坐漸驚縫掖擁
腰圍味雖同體未分甘從打不識

汲城懷古

尚父祠荒草滿扉伍城猶在陣圍圍
飛梁水落橫霜

賴石馬門空半夕暉竹簡有光陵寢破
山川良是昔人非臨風笑煞安釐事
甘着虛名博禍機

夢王尚書子勉時罷中丞在揚州

丁亥九月二十九日

分明昨夜夢王褒海上歸來從鳳毛
燈下留連歌醉幘筆端揮洒挾風濤
滿囊文具為余贈四座春風倦
士豪與客忽從窻隙去惘然驚覺聽
鷄號

冬藏

木葉歸根到閉關遇藏初匪避冬寒
孔宣何苦韋三絕顏氏胡為樂一簞
庭戶信知吾道在光陰移入畫圖看
此邦雖小無窮事定力先須似石盤
小邑都來掌許間紛紛人事日多端
敢言絕學希孟不解呼盧去効韓身
老轉驚謀道拙時艱難作強

歌歡正須一室虛明地時着閑身引晴看

丁亥歲十月十日夜夢乘船渡一大河既
濟望南岸一閣高數百尺牕戶北向自簷
至地上下以琉璃大簾垂蔽翠色半天甚

奇麗也

雲間高閣翠為簾疑是仙居擁衛巖虹影蕩搖青帝
闕海風吹墮寶院嵐半空倒景驚奇絕千文搖光入
顧瞻我自平生多異夢似怜方朔詫雄談

筍筍飲

李縣丞靖伯約嘗新釀坐客有云酒之醇
粹莫胚胎若也遂筍而飲之偶得獨脚句
醉歸為足成之如能可君等雅意便當屬

和時至元丁亥冬十月八日也

瑟縮松風滿峩春峩頭筍飲有餘薰醉鄉日月時須
到太極胚胎昔未分肯放小槽珠作滴快傾浮蟻玉
為群人間愁緒知多少一酸能消正要君
誰擬鯨吞壑綠樽一杯聊示談芳温中含妙理何多
味細捲春江仍帶渾談藉清光搖北海詩憑風韻繞
西崑知君預報時須意免致來敲月下門

透月岩

偶到君家思適然一峰奇石墮吾前千金欲買初無
價百穴潛通小有天花露逗香滋碧潤月娥含景愛
幽妍從今紫翠芙蓉夢不到齊州落照邊

成氏西灣即事

栽種西灣趣已成主人置酒約同傾小車來駐林間
閣藜扶闕看兩后耕老圃生涯非細事滄浪清濁任
吾纓少陵苦愛溪居好興在千章夏木清

南陌東城占却春西灣深處最藏珍青芽破粒柔桑
穉紅袖迎門杏蕾新醉裏光風多樂事老來清貴是
閑人就中更愛清溪水隔斷西風庾亮塵

壯年心事幾虧成每對蒼髯聽細傾夢裏江湖幾走
遍林間雞犬却歸耕潘輿正要閑居賦蘭佩誰堪海

縣纓脫却烏紗有忙事公瓦頭春釀漚生清海縣纓時
用解蘭纓

人家拜掃重清明羅綺翻香曉吹輕不欲把書成元

清明日花下獨酌時或子歲北七
日游泗溪作

坐也墮遊子出重城閑雲弄日何多態春水平橋不
礙行勝事自知還獨往一壺未就淺沙傾

後一日雨中招林韓李三君子小酌且為

梨花洗粧一時新植梨花
特盛開

花滿金罍酒滿樽一盃歡飲得佳賓近年樂事無今
歲此際閑身有幾人祿美勝於三品料臘香清徹六
根塵風簷數點催粧雨辨與梨花作好春

東坡汲乳泉圖

儋州遷客玉堂仙服食天教得乳泉三巖遽驚滋浩
氣一甘無壞是冷淵中朝清議孤忠裏瘡海鯨波九
死邊落月澹隨人不見滿襟風露獨翛然
道宮獨發乳泉香似與坡仙養浩方并列不從炎海

瘴味甘還比上池觴化機軒豁元胎濕孤影追隨月
色蒼天地此身忠義在一杯三盞濯肝腸

送姬仲實隱士北還

紛紛未術例從諛邂逅淇南論有餘賈傳自矜多感
慨東門何意泥孤虛兩連賓館留三宿天遣幽懷為
一抒覺我宵中間未有九峰新說曆家書

仇一峰篇

壽器之國醫

學開金櫃得真傳濟物功深不自賢前輩衆推楊獨
步後來誰與子爭先青黏有術扶衰謝白髮相看度
歲年此日樽前祝君壽一杯還代上池淵

白簽事彥隆哀辭

系苞一氣本龍佟心苦時遠操與同強仕有懷三品

料發言都是四書功愁隨野草憂春雨恨滿山城對
學宮誰為魯齋興起地古共門外便秋風

王師中哀辭

玉樹庭階自幼看九霄雲路到鵬搏大門折翼差何
及宅相論微理未安咄咄向空書恠事涓涓揮淚濕
門闌應忤遺愛祠前栢恨鎖秋風月影寒

壽少尹寶同知室丁平章子

秀稟金天一氣晶規模全是漢專城當官治劇有餘
裕臨事知幾見老成門闕起身真相種天池刷羽看
鵬程一杯領取千秋壽細着檀槽合玉箏

顏氏冠詩寄蒲城主仲白祠李知觀

一握儒冠綴七梁金絲勻織玉為相碩瞻遺制從顏

始陪侍先師見色莊巾卷在庭聊束髮玉簪橫影夢
升堂切雲莫羨如箕大曾冠三千弟子行
紋背簾梁玉色璫師傅元與薛同科薛出高帝紀
要盤白髮三千丈閑過春風十二窠衰俗幸存加冠
禮滄浪無用濯纓歌敝餘改作須重巧玉導先期為
細磋

朱砂餅菊詩并序

秋澗翁觀化於秀春園見菊之種甚多有
所謂朱砂餅烟脂紅予以白與黃菊之正
色今變幻若爾何哉或曰接之於艾致然
予試為之說曰艾火草也菊亦陽種也以
二物方盛之時使客於艾之末未有不隨

其主之盛氣而變者又赫以鮮者陽之精
也故有硃砂之異此雖小事亦氣化之類
也格物者不可不知故序

玉餅金蟬爛熳秋朱砂為質更風流天機欲測司花
巧物色先從氣類求孕秀似隣勾漏井分香當上絳
霄樓朱顏厭對柴桑客恐覩空杯笑不休

送歸事薛彥暉秩滿北上

秦隴風聲化有郤規模况自左山來三年弊邑淹良
驥一日銓曹得茂材撫字論功書上考庶能覈實到
兼該春風領取新除去喜動門山兩翼開

王尚書子勉挽辭三首

淚洒行間悶尺書計聞三至尚疑虛佳城一闕無開

日聯事三年忝貳車詞筆早推韓愈健曠懷未覺孔
融踈那知一夢終天別惆悵春風隔綺疏
少孤綿歷太逸遭甫壯光榮四十年氣運倘來方出
限愛心先斷便終天魂飛楚些和雲慘淚洒淮壩與
海連左袒客衣三匝去延陵宜為聖稱賢
婉耍英姿自妙年奎光空照玉堂仙辦教一世龍門
重誰遣三王鼎足偏曠度包荒無微略秋濤翻海失
鱸鱸百觚未醉螺臺酒重為斯文一泫然

遊蒼峪青岩山有懷烈士甄濟

義重於生視若歸封刀無復騁霜威千年喬木高風
在一片青岩烈日暉元稹論忠真不愧臬鄉摧逆與
幾希環山弋獵猶知畏白鳥衝煙自在飛

商左山副樞承晏念及作詩以答雅意

四十年間九九遇感公翦拂使長鳴三蒼論法傳餘
蘊七扎量能綴賤名曉日嶽祠留語別秋風章曲戲
予行傷心綠野堂前月空遣流光照斗城

賀士常侍御受吏部尚書

識驗夙歸清議裏 恩光今著履聲中文章曹植波
瀾小星斗潮陽譽望隆除重不知黃散目輸誠思補
燮調功從今不鎖春風部管取銓衡被至公

題懷孟路家總管太夫人九秩詩卷

七十邦君九十親人間此事少同倫拓舟高節嶽形
管寫誥清光照畫輪步履不緣扶杖健精神猶比結
禱新河陽莫說潘輿樂沁水花時別有春

身寵家温親老健福全無似宋門榮漢宮傳訓班儀
在萊子承顏彩袖輕孤節勁於相水竹九齡春動野
玉城年年壽席聞佳語南極星邊婺女明

和陶主簿見寄詩韻時主肥鄉簿

半生鄉國共游居老去文交樂更餘苦厭物情多薄
相每吟風雅入吾廬一官稍得寬民力三節何憂進
野蔬聞說列人真吏隱竿頭還有再懸魚

哀挽亡友中丞王兄五首

百蛇墮地一能龍知己相須不易逢僧孺固應知社
舍臧洪初不負張公扶搖羽翩翩溟海作養功名上
景鐘自笑澗松居不巧半生清露到虛蒙
嚶嚶求友幼同聲五十年來好弟兄零落山丘有今

日笑談樽俎意平生酒壚不滿河山斷陰翦其如骨

最征用韓文公臨終事寂寞逍遙堂後木對床風雨最關情

故人牢落曉星疎此日三王獨在予泉壤冷埋和氏

璧牙籤空見鄴侯書問誰久視嗟同盡老失知音慘

自餘從此故祠鍾鼓地謂去歲冬用三獻禮附母夫人

嘉過庭趨處半靡蕪參議公在時賓客與君相接者

衆响漂山不易安勢張那復漲狂瀾一時附會真堪

畏此際支持誠獨難具錦斐文哀巷伯瑤琴幽憤變

猗蘭一言曾擬桓侯辭醉裏哀箏為謝彈

病臻留飯作終天示我新文已惻然奇疾變常纔四

日佳城埋恨便千年囑遺不及私門事燕翼全規誠

子篇惆悵西山埋恨處定應大鳥淚如泉用後漢楊震事

洛譜丹青說典刑
畫欄春日見升平
金盤薦品承朝露
翠幄留香護玉鈴
神女賦中羅襪步
少陵詩裏麗人行
百壺莫惜花前醉
樂事從來不易并

海棠

桃李無光分落英
海棠姿色占春榮
雲鬢綠擁粧初罷
醉臉紅勻睡未醒
任使無香真可意
放教千葉更多情
光風流轉都能幾
莫惜少頭倒玉鉸

挽史九万户

半生希古振長纓
隱隱曾中富甲兵
三篋補遺安世博
千金為壽魯連輕
春風故里鳴珂遠
暮雨山丘宿草生
一傳散仙懷素叙
為君却惜比書評

小園即事

閑來無事欲何營
揔是我花種柳情
汲水漑餘紅藥秀
澆欄看得綠陰成
身然化育行當健
物喜安舒悟養生
放下虛牕時倦卧
夢驚還聽乳鳩聲

小園清潤稍堪觀
翠有庭筠馥有蘭
未放薔花金作蕾
已開梨菜雪為團
鳥欣有託扶疎樹
客喜來憑語曲欄
深院日長須細履
也勝愁坐兩眉攢

託陶晉卿借鄭氏所藏刘房山行草效吳軀出入格

房山一字三過筆
此帖揮洒何其殊
臨游親覩長史作
透綃又似涪翁書
春葩舞女多姿態
遠韻高風見步趨
手追心慕情正切
託君為借今何如

復作一詩以繼前韻

鄭家數幅房山書自笑伎癢須臨摹五陵裘馬見年
少兩漢劔履多文儒游談得叙真可壯破塚求法何
其愚煩君更擊馮夷鼓未信驪龍不吐珠

戊子歲穀兩日

中丞王兄令李子師中携名酒洛花相餉
作詩以謝殷厚

洛艷紅嬌醴味佳併携春色照人來豐苞細拆先三
嗅醉蟻連傾尽數杯北里定應香作陣西園休詠眼
慵開維摩久病行當問好在春風紫錦臺

括九峯禹貢辨北條北境之山

晉北諸山自代來唯賦風寒不寒首自霍山開

延春脉為壺口南作析城王屋排復折而西雷首出
一支北死太行崖次又一支為大茂四條明白不須
猜

大卿徐先生挽章

諱世隆字威卿塗進士第陳州西華人官至集

賢大

壯歲魏科擢上游如公樂易更風流文章海內元推
轂議論行間宋與儔鄉校功存東魯盛炬蓮恩在北
門優自吟狂斐慚提獎爭遣鱣堂一拜休至元廿一

東平拜公於秘第之前堂時公已在病眷眷於予者甚數既而卒于家

壽總尹劉公

一家英氣蓋遼東聞說君侯有父風作牧首分青社
土策勲誰比黑河功化行屬邑謳歌裏春自慈闈孝

養中今歲壽遙光景好榴花渾似舞裙紅

龍教授哀挽

東郡教授龍君名革字取新廣安人善賦學及五星等術士子從之學者多所沾丐至元辛巳與予相遇于滑朝夕從游者旬日一良德君子也後主魏縣簿政有聲今茲云亡其子變來求挽章特為賦此

當年按部館南衙日夕相過興未涯楚產例桃開實

學天星推跳見名家大任山下游龍洞歸鴈亭邊望

暮沙此日題詩重惆悵為君回首眷西華補齊任之子

商左山哀辭

商孫霄敏矯猶龍千載流芳見此公佐魯謀猷元克

壯定秦功力更沉雄城門被焚池魚涸臣罪當誅聖主聰老淚不緣知己痛麒麟臺上又秋風

夾谷尚書哀挽名之奇字士常

品彙流形萬不同銓量平允俟清通思非出已知誰怨天不遺賢見道窮三復苦辭歸汶上一官催老掩曹東茫茫大塊外沉裏重為清朝惜至公

追挽承旨王文康公

文章四海一康公烟烟元精貫自中盧肇名先金榜重歐陽仙去玉堂空道由實學明真用義不忘君見至忠惆悵當年門下士斷雲低處為曹東

左丞史公哀辭并序

左丞史公之薨客有云云者余曰事機之

未雖理有難處度不違於義其寵辱有不
足驚者當克明之無定力以順受輕則伊
壽而自沮重則至憂悖而殞越正以不安
而無旋故也嗚呼史公不少隱忍以光先
正之業而至於斯其命耶抑以有未安於
所受之正耶於是作是詩哀之

綠鬢金貂漢九鄉火階平自栢臺清俸將事業傳鍾
鼎不特家声藉父兄自付行藏無所懽此生榮辱不
須驚為辦姦聽徹唐君說淚洒春風滿豸纓

丙戌歲中秋後二日夢過真定與宣慰張
鵬宰相會作詩為贈既竟頗記首尾意韻
因足成之九月十一日忽英甫過衛
說張是月此日卒於真定

千里提封入控臨不知秋氣未平泥頰寵何三
詔丹衷輸忠見六城物因方之而月簡論思尤比向
來深

萬里歸來心

十年局促伏轅駒解鞍歸來樂自如奔走止緣餬口
計支離况是不材鴛鴦因客過知安徒多謝人來問
起君把酒竹軒猶昨日清詩想似向來膠

寄贈介甫憲倅聞除吳元摠尹

方聽新除入歷城忽傳改授漢中行霜壑暫息驚
飛翮民社教優撫字声伏利試尋山水堰遠征先
異方兵如承高省相垂問老我山田二頃耕

送徐正卿秩滿還漳南

共筆灯檠憶昔時只今相碩鬢成絲三年調議度多
益一道將迎不易持辭別已餘連日惡直清留在後
人思漳南未是婦換地更與朝家作羽儀

謝湯宣慰惠書

開來何物慰窮愁細把調元入校讎捐業有方無限
事室書能幾不容抽已欣惠賜承蘇集復夢翻香上
郡樓掃架万籤容遍覽鄰侯人道是湯侯

代書寄交舊二首

匪為窮愁日著書開門經史且相娛為吟魯酒無多許
任使陶鎔乏見儲費卷能教吾道在青雲未竟故人
疎有時夢到烏菴月查查猶勝閉婦車
半紙功名不是書暮年心緒若為娛背時伎倆輸鳩

拙度歲生涯儉擔儲為寂恐貽高密笑不才爭似孔
融踈退藏入密真吾事誰遣門多長者車

西村三首和韻

種來佳樹日扶踈秋草當堦不忍鋤城府事置閑靜
重林墟秋熟物情舒溪行改逕農耕後漁浦移梁水
退餘我自興來成獨往手拖拄杖不巾車

近歲行藏匪自踈曾中刺鯁要誅鋤通明縱使同方
進撲鈍何如似魏舒堂上咿嚶從肉食橘中游戲喜
霜餘八騶前馭非吾事正要安徐下澤車

忖量身在兩車踈去學淵明荷短鋤時事未容閑裏
過人心安得老來舒沙鷗遠汎機先識穴鼠深藏壤
有餘我輩所行多倒置早資舟楫水資車

寄道之憲使仁兄

匪為場苗賦白駒別來多事復何如臣門最喜心如
水故第猶知里號樗落落壯為天外客潭潭老向府
中居為近司二憲使不出司故云使君若問年來况山澤依前老病
癯

聞平章由公薨於維陽以詩挽之非舊語

邂逅樂江讌語頻外臺初建首先分風雲契厚真吾
相魚水情深有分民名在諫垣稱鯁直力輸

王室最公勤豐碑會見十年後猶是中朝第一人

丙戌除夜

盤花紅卷燭光搖一歲迢迢及此宵凍坼臘香浮栢
葉暖移春意上梅梢拊心自信愚忠在流涕還悲解

肉消揣分要知温飽力比生無地答清朝

賀文卿同簽宣慰河朔時真定連年旱乾

春風花發四隣香曲巷時過笑語長議論有方消鄙
薄功名無地不輝光簽書樞府孤忠壯憤敵長江一
葉航今日八州歸總轄又頰和氣致時祥

同簽趙公挽辭諱良弼字輔之東人至元二十三年南遊京在辛明年正月二十四日

夜見於夢托予令易其名諱辭意甚切不
然日將不暇矣遂追作是詩以紀其意

識遠幾沉任獨勞不將虛譽冠冠時髦使華光動扶桑
日樞府謀深尚父韜四海樊川遺隱在九原精爽與
秋高分明夢裏來相託抵掌猶能似叔敖

禮部尚書許公挽辭官至榮祿大夫名國禎字進之翼城人

當年劔履上星辰忠謹持心老益振樂籠功名開壽

感朝端風度見誠臣勒漿有味露餘論卿月分光照
近隣我自計聞增悵望白雲長處是溥垠

凶訃初傳不忍聞惜從朝著失忠臣安常每懼非
常寵格物還深濟物仁貶損定交何者厚燕閑和過
更情親麟麟細約車聲去長憶同遊過闕晨

宋賓客弘道挽辭

景玄絕學到縱橫此老猶能見典刑相府才華推上
客少微光彩動前星誠身初不離儒行進讀何妨
雜貝經正有莫教傷餒恨併隨神劍闕泉宿公諱有舒碑
萬有紛華入醉吟都將誠靜粹靈襟雲松卧壑存初
志均堯死露恩豈本心談並齊諧疑志恠學空滄海
別穿深斗間縱有龍泉氣淒斷春風綠綺琴

追悼叅政李公仲實詩有序

至元丁亥二月十日夜夢李叅政仲實再
拜向予顧指所佩鞶囊曰吾平生盡在於
此他日會須累君但不敢輕易發也既寤
悵然者久之因追作此詩以見其神交之
不昧也昔李衛公見夢於令狐綯懇其北
還綯畏其精爽白于帝得以歸葬今李侯
明以後事來託予老且閑不知何所賴焉

冠劍風雲擁漢庭斗邊喉舌振孤聲漢儲與翼非輕
託蜀酒雖多每細傾身後哀榮光謚冊夢中精爽似
平生分明拍顧鞶囊事一縷幽光要累卿

挽教官石仲遷

名與義鄭州人少為縣吏後從李野齋學終南京教官

臨試東過僕射陂封書投贄識君時生猶續玉期三
獻死愧囊金味四知塵世驚回黃落夢帝京悲動白
雲辭因思吾輩豪雄處貧賤能安貴不移

送府判李侯赴調東曹其懷與政備見乎辭
邨衛交衝辦事難送迎終日不停鞍去官不到瓜期
代在分能居幕職安衙鼓通嚴披訟牒厨煙次碧澹
蔬盤回看奔走風塵際却忠新除是振冠

代書奉寄子明宣慰時為濟南宣慰

五載因官寓鎮陽朋簪盍慶佩聲銷金盤爛醉雲樓
酒綉屈其物反今之半臂也同披燕寢香樂事有懷終會
合名泉無計共徜徉空餘情似康崖水一脈勾連到
海長

壽子初中丞

鼓瑟春風記點同轉頭俱作白頭翁遠遊長得知時
報微恙行收勿藥功巾卷在庭隨燕九嬰香和露温
簾櫳暮年縱有周公夢輸與浮雲度太空

送史邦直之任竹山

縣屬房陵更在西一官雖遠儘施為王風漸被無遐
邇異俗能安戒鄙夷會待奇姿超駿足試教銛穎發
囊錐彩旗開簇清江渡想見春風到任時

丙戌歲除夜

去歲椒盤一笑藥今冬除夕倍凄然莫餘靈柩鍾聲
後坐對陰容燭影前存歿不堪思往事康寧還喜過
今年數家剩說新春好夢到梅花小雪邊

奴星具糗送窮歸夜久蘭堂燭影低梅雪溢寒嚴厲
鼓枕香留暖潤盤犀試傾臘醞歆椒頌已覺春風拂
盡雞明日書雲臺上去蒼精橫角看杓攜

答何劉二端公

屢有人來問起居近年為况果何如每承省錄常深
感欲話行藏不敢書逐末有慚規什一歸田無力把
犁鋤時時夢到霜臺月靜聽烏聲尚起予

挽李子陽

早歲龍門接茂材相携有意上台階夜書稱快元康
在詩思爭高岳掌開落月滿梁清夢斷旅墳三尺野
烟埋微官殆似台州鄭拊卷題詩擬八哀
三十年前成邂逅酒壚傾徹醉顏開筆端力挽狂瀾

倒袖裏親携太華來淚洒行間遺草在恨埋泉壤劍
鋒摧因思秋雨蒼苔句何限令人不飲哀

錢士達御史還臺

通家世契爵蘭金驄馬南來屢見臨披露義襟餘悃
幅酌量時務入精深眼中白璧真無價調外朱絃有
賞音回首炎荒四千里一杯不惜為重斟

秋澗先生大全文集卷第二十

七言律詩

西溪見夢十月初八日夜五鼓初

挂面相看几格間
笑談似與浣離顏
越裝已辨宜趨
往江路雖遙不久還
魯國自來尊北海
謝家誰更作
東山蕭蕭夜雨蓬
牕曉細酌清樽與涕潛

儀封道中

驛館殘缸曙色分
馬馱殘夢走跋跋
去家已遠誰爲
侶到處相逢有故人
健羨鵬盤漸始擊
靜便螻蟻返
求伸一杯拜酌睢陽廟
激懦扶衰尚有神

睢州道中寄友人

奉詔東行獲所安
却憐衰朽強為顏
恩緣至渥

酬無地事不預防多後艱遠馭有方清百越纖埃何
補奠三山殘年正要相料理既不吝辭望早還

過歸德寄何相

白髮年前六十三強扶衰朽去江南心知義重吾何
惜老不身安事恐耽弩末縱能穿魯縞病軀胡可敵
閩嵐鄉關回首四千里正賴君侯與細參

十月廿七日過下邑喜與趙彥伯侍郎相

遇作詩而別

暮色增寒慘驛亭燈垂紅燼盡情明長年幾夢溪堂
月此夜相看下邑城流落蠻方真可畏笑談樽酒且
同傾回頭楚水楓林下焯焯聲華定彥卿

宿宋家山趙氏田舍

白髮搔來不滿簪就中誰遣世塵深野煙遙認圯橋
月霜夜初聞楚力砧長路苦吟支睡思客牕無夢耿
鄉心前行說似安夷道隱隱青山轉榭林

揚州送劉漢卿東歸汴梁

海鷗翻雲下錦鞬眼中人物見風流誰期淇水三秋
別却作維揚數日留樽俎留連江上月風煙吟眺竹
西樓馬頭細爵梅花句又領春風入汴州

西湖

西湖三面簇青山淨拭菱花照翠鬟蒼海月寒龍穴
露彩雲仙去鳳簫閑無多樓觀猶圖畫最好風煙近
市闌鄭重綉衣周漕使畫船春酒待余還

留別 左轄台相

兩浙江山漠霧雲吳儂輕剽到羣奔繞寬防異瀕威
靈稍困隨方以德存 龍寵優來心愈小義方嘉死

勢忘尊忠傳孝繼平生事長見風煙擁戟門賢一作薦

台榭職桃李
何頌在 一門

已丑冬仲三日與宣慰楊子秀摠管高瑞

卿侍郎榮甫三君子邂逅於餘杭其喜有

不勝者以詩留別情見乎辭

北來冠蓋拂吳雲試計分飛動十春意外論交緣義

重天涯相值更情親放懷罇酒難同舊照眼梅花摠

可人明日浙江江上去寄聲多逐荔支塵

下大安嶺俗云分水嶺

宿霧雲山苦未收馬衝寒雨下關頭紅雲軟脚揮三

爵碧玉攢峰湧萬丘日月麗天從北轉山川分水盡

南流漢家聲教今無外誰遣氛妖孛斗牛時汀漳州

未平故云

三山元日

臺蕪天香簇絳紗三山簫鼓樂年華竹枝歌後多淫

祀燕子歸來識故家荷鬢開粧餘翠貝蔬盤勻釘雜

魚鰕殊方風物雖堪賞爭遣衰年客海涯

贈之問泉尹福州庚寅三月廿一日作

社燕秋鴻十載餘天涯邂逅兩臞儒九遷論秩心何

有百折當機氣自如喬木故都思往事月明滄海炯

遺珠春風回首桐城郡時訊平安見簡書一作小書

送李司御輔之北還名天祐安次人同年
御史也今為戶部尚

憲府乘驄憶舊遊白頭相見嶺南州地連瘴海三山
月人在元龍百尺樓此日又驚成契闊異方誰與慰
淹留交親若問衰年况夜夜秋瓜夢故丘

庚寅春三月與張參政猷子李司卿輔之

會飲九仙絕頂齋室嶺曰

四千里外同羈旅三十年來老弟兄樽俎喜陪今日
宴江山難得晚來晴巖花帶露春容濕醉袖翻香笑
語清莫對雲霞說輕舉蒼生料理正煩鄉政昔張參

脂料數

暇日登道山亭懷古亭在烏石山巔有碑
刻南豐記文其上刻鄰霄臺三大字

閩會東南控嶺溪斗牛無字歲無饑文風興盛猶唐
館霸氣沉雄入劍池海近重城朝日蚤山蟠平野暮
江遲危亭一片瑤鑄在晤語殘陽倚杖時

送師安真蘭寶臣二御史庚寅四月十九日

半歲相倍百越東採時人道嚮來驄劍華光動蛟螭
匣豸角霜嚴簿領叢明月共看千里隔芳峯廻憶一
樽同借來不得成借徃日斷三山羨去鴻

大中德長老見贈竹輿作詩為謝

人老筋骸不自持乘堅策駿兩非宜憐師雅意慇懃
甚惠我班輿結束奇花底徐行閑看處陌頭趨進早
衙時醉歸更比籃舁穩一任山公倒接籬

贈鼓山長老平楚

不下禪床四十年老軒頭角出冷洲以從貝葉傳心
印來與雲山結靜緣蘭馥蕙光憎嫉媚竹風松月共
清圓荔舟有約重登覽轉首天風恐颯然總有書蘭句故云

庚寅夏四月送

二御史回淮安道中郎事語知己者

五千里外一衰翁八郡規為與省同衆口鏢金方作
異諸生鳴鼓欲誰攻寒封老栢常年慘暖借繁葩盡
日紅夢到垂虹亭下水雲帆千尺掛秋風

遊鼓山五首并序

鼓山在閩中為特秀余到官五月

王事鞅掌未遑登覽以盡江山之勝迨明年

庚寅四月庚辰遂與天平 參政獻子大猷

李郎中德昌御史聊城師彥貞居延蘭寶臣
提刑東原曹仲明憲慎張遂良程焯臣何舜
卿來游尋前盟也辰刻抵戒院舍鞍有輿迤
邐而進至望州亭主僧平楚來迓用軟脚例
酒數行歷松關由石門入白雲寺適簽省樂
公亦供佛來此乃相與禮像殿浴佛於西
寮既而飯巖峯丈室眺上方重閣降觀湧泉
步入靈源洞度喝水巖登天風海濤亭觴詠
間獻子德昌扶携上征徑欲造大頂峯足觀
紫陽遺刻石巖雲荒中途而返時宿雨濯山
林壑爭秀煙霏空翠有顧揖不暇者莫不欣
然志歸冲冲若有所得僉曰樂哉今日之遊

也吾僂越在絕域縱使重來恐無復此歡耳
至元歲月不可以不紀詩亦不當無也明日
採囊得唐律五詩俾刻諸亭上以爲山中故
事

峰迴路轉已層雲望遠風煙接海門宿靄去收千嶂
雨老僧迎勸半山罇巖幽選勝窮詩境山迥登危黯
客魂闊絕殊方同大塊坡仙心事強爲論

筍輿同駕躡鰲臙冷帶秋聲入白雲雪竇有禪容暫
叩名山無分與平分雲憐嶺斷聯松蔭雨惜題芳護
蘇安會約贊公重借榻鼓音同向夜深聞

上方游遍雨花天洞壑尋幽得壯觀林影蕩空金界
闊天風吹袂海濤寒江山若爾不一醉杖履再來無

此歡詩在眼前拈不出碧瀾秋色上層巒

杖藜尋壑游初遍倚檻冥搜興未闌濁酒一杯方大
嚼蒼煙千頃要奇觀放眼界寬無際徑上山椒不
作難若欲攀蘿窮絕頂海濤風勁不勝寒

復嶺重岡莫七閩鼓山東峙最崇尊嶼亭詩好風濤
湧靈洞龍移窟宅存千尺翠屏宜晚對一泓滄海儘
雄吞雲煙細載歸時晚月偃松梢玉一痕

道山亭燕集

霜簡無華鷲鳥朋追隨飛蓋上高亭霏霏空翠沾衣
濕浩浩雄風拉瑟聲已愧東山空雅志枉教南斗避
父星憂來猛把攔干拍轉覺時情未易評

酬余招討見贈詩韻

秀孕江山氣自靈余君襟度玉亭亭高軒過訪承佳
什世事開談見遠經秋色望空喬木國海商爭避客
槎星又聞占籍多陰積一戶從良近百丁

送魏參政赴邵武時與江西三省會合破賊

畫省分麾出越營跳梁黠鼠已替鴛環郊多壘真吾
責報國丹衷在此行獸困可擒須急縛民安無畏
是往兵遙知帳繞生犀地草木風前摠戰聲一作

省郎李應中見示所藏書畫因題其後
畫省官書不片閑撥忙能結澹中緣吟餘紅藥皆前
露夢到蒼江月下船鑒定正煩君具眼收藏還擬世
珍傳古人已矣精華在時復橫披一灑然

八月八日雨中書懷

自到閩中十月餘老懷未省兩眉舒命緣限蹇行多
拙心與時違意轉疎夜枕有荃妨睡思秋空無鴈繫
鄉書桂香簾幙中秋近愁對清輝憶故廬

小樓秋望 其下即福之西湖

芙蓉吹老白蘋風際有游龍草有蛩湖水已翻寒日
影火雲猶作夏時峰清時還負無能責老境其如所
事慵推放小窻閑寓目秋來無物不愁容曠方一作

增心善人到
高年所事備

寄紫山憲使

去冬相從入臺叅君任平江我更南不惜殘年趁海
嶠擬將風義壓煙嵐得時可進成虛步縱說知難到

強談歸見紫山如有問此身於世百無堪
景驪一作
愁人好聖滿鬢

秋雨

秋暑燔空勢莫禁西風吹起傳巖霖
驅雲湧海連三日潤物回枯抵萬金
火傘炎收閩嶠瘴煙螺重拭越山岑
霧霏未洗戈船甲愁絕孤臣一寸心

御史陳君濟來知紫山病告已滿浩然
北歸余以微官自絆留滯閩中未卜歸期
定在何日慨然感而賦此

南來同仕君先往自絆微官固可憐
書考已甘陽子下着鞭又為祖生先
碧雲暮合人千里白髮愁攻雪滿顛
去去吳江西下路姑蘇臺上月空圓

寄參政何公

黃閣年來相業多忠腸輸馮略無佗物
情雖異歸包總鼎味能甘賴燮和客子
遠聞欣欲舞海風何慮偶揚波
時草竊逢云殘年喜見升平事歸老田間儘浩歌

寄左丞馬公

黃閣清風相業多漢家機務到賡歌
默涵羣動歸包總力贊孤卿整燮和
春草閑嘶沙塞馬秋霖行洗越船戈
古今多少調元樣丙魏聲華未減何

即事

耳聵瞳昏久病翁暮年游宦又閩中
一句好快無三日百計隨人到五窮
每署細銜慚已曠雖無私過亦何功
揣量薄分宜歸去免着通人笑未通

卧病中即事

萬慮消磨只一身，一身猶為病遭屯。
老饕食纔助脾神，喜濕熱還攻眼力。
昏蔬飯半盂，嗟強食物情千變苦。
難論前期七十，都能幾更有何心到競奔。

即事

地僻天荒自一方，江山環瑣瘴烟鄉。
炎涼失節人多病，勁躁難馴俗返常。
媚竈王孫方怙勢，背時郭老怎當場。
欲行莫克行，還阻乞取閑身且六藏。

芙蓉

平生不識翠苞纖，真色還欣到尔瞻。
嬌綻葵芳無兩樣，開裝橙葉更多尖。
一溪野水明粧鏡，滿樹清香拂繡簾。
開謝已甘秋色晚，碧桃紅杏我何嫌。

卧病吟

四大尋思孰主張，百般調護不康強。
火頭字尾方為祟，肝氣脾神互見傷。
秋月攔干吟袖冷，曉烟庭戶藥鐺香。
夜來一笑伸眉喜，夢裏分明到故鄉。

閩中即事

誰作新詩採衆譚，八州淵藪悉逋逃。
蒼烟滿樹驚泉嘯，白日四山聞虎號。
取辦急徵農最苦，仰空哀懇彼何高。
內奸不止終多寇，闔敵徒教殺爾曹。
為官軍民義

八月十八日野奠回入西湖開化寺

廩祿已沾三品料，浩然歸志苦遲遲。
宦情老去無多味，花樣看來總背時。
杯下宜尋歌鳳侶，澗阿閑詠考槃詩。
免教方寸為形役，惆悵終年抱獨悲。

送趙提舉仲遠職滿還江西

眼中薄俗日紛紛信厚如麟見趙君學館久淹雖散
秩士林輝映總多文三年提調無遺育回首歸飛隔
暮雲忘孝堂前秋色好淡煙吹滿泮池芹

即事

人微職峻作提刑正似揮僧放海青癡坐久為山鳥
怪急歸已媿草堂靈雍在邊吏部方酣飲澤畔靈均謾
獨醒樂得便行無空穢雲間高躡鳳凰翎

悠悠心事欲誰同甚是留侯智與功幸有釣舟藏夜
壑免教官事縛微躬旬多病假慚虛位獄有繁冤謾
熱中穩送布帆無恙去小樓昨夜有東風謂諸君津
西風吹老一川秋劍水東南送客舟寒鴈遠寶方漸

陸野鳥群聚正乘流飛鳴聊欲伸吾志飲啄非徒為
食謀通塞既知皆素定平泉何為志窮愁

題建寧府建安堂壁

郡名改目炎興後官寺多從五代年草木不知黃落
候江山渾是寶巖天風時雨若回天漏味厚泉甘覺
氣全城府自來多險隘高蹤誰躡漢梅仙謂東山梅
於福嘗隱此

子孺腹疾良愈謝全王二醫官全名立夫

王名貴和

喜向醫林得二髦河魚為祟免憂勞調和臟氣事為
切護養丹元論更高曾未決旬收勿藥併軀二豎不
容逃難忘最是真誠意答荷千金恐一毫

活庵方伎若為高濟物心均不伐勞子孺病未方作
崇脉源看處弱於毛臨機制變元多筭勿藥收功大
可褒自是理明窮隱粵不緣潛授老龍韜韜非六韜之
孫思邈見龍
所授之法也

贈三衢儒醫徐登孫升伯

徐卿奕世傳醫學道濟衢人蔚有功方自千金開壽
域眩非三折見良工經橫烏凡筠籬靜門掩朝暉藥
竈紅我似病梨無可賦略煩料理少陵聰

又頭石橋山

龜阜煙霞小有天半空奇絕石橋山蒼龍背倚雲千
疊寶月光涵玉半環當局仙人閑遣與爛柯樵子不
知還一樽醉上山翁馬却逐流紅到世間

繼李昌道見贈詩韻以寄

當年初識歷亭仙青眼相看意愜然把臂喜談天下
事洗心如聽玉琴絃時文變古多君雅遠取長驅並
我先北渚風煙儘瀟灑興來詩思想無邊

遐觀亭南劍州撫尹張戾所構

閩右江山第一州危攔高倚九峰頭大書快靚凌雲
榜神化空驚躍劍舟冠蓋送迎無少暇風煙吟眺暫
相醕曉涼多趣善薇露醉墨淋漓想未休

九日南劍道中龜山山長林元甲和韻有
云万里好風南去鴈兩溪

明月一

颯香弓刀入劍州登臨高出碧山頭松風度嶺吹紗
帽煙水漫溪送客舟萬里故鄉今得往一年佳節儘

為醜滿樽涼湛茶洋酒空對黃花一笑休

恨雨呈幹臣詩友

四月十一日作
時闔境祈雨

天人消息兩交通扣自羣情雨意濃一旱沆今幾五月四民作苦寂三農雷燒赤尾空飛電雲捲黃頭又變風傳語龍棚棚下客子誠終始要相同
嗷嗷羣動日焦枯何處癡龍睡未蘇穀未見苗穰可望麥方含實勒來無允關變豹無餘蘊百郡承風恐失圖試手天瓢儻微恠斯民斯苦果何辜

和錢神詠

幹臣二首

解毅開難到處行雖云銅臭最関情世緣利益稱泉貨時便流行托措生武子矜豪編竟埒魯褒貽笑愛如九細思最是通神處買盡人間事不平

鉅室權門坦蕩行反於窮薄略無情散飛庭樹來無迹汚濁羣心到處生取象有天還有地縱貪無父亦無兄存心思革交征弊何處銅山剷可平

芭蕉扇

輕箒如蕉一樣新楮衣筠骨製來勻隔牕雨落驚真葉灑面風清來故人嘗羨楚材為晉用却嫌紉素化緇塵會當柄在調元手與播南薰解愠民

近讀夜求不寐等作覺清而頗寒吾恐傷中和而病吾子也因復繼前韻假辭而薰灸之亦晁補之擬騷之遺意也幸笑覽

燭影紅搖夜色侵香添菱葉鬱重衾鳳琶調軟歌能合竹葉盃深醉易沉綠鬢追歡燕市樂翠幘歸夢越

江吟平明刺買扶頭酒不向諸兒計索金
夕坐虛窓夜氣侵欲眠還未擁孤衾書因倦讀從燈
暗物不撓懷任思沉肥遁世高雷子節清貧時見曲
山吟舊游相望成三老既老能閑抵萬金

和曲山覓菜詩韻

鼎餽藜杯一粢平見君曾次匪餅罌屢聞飯糗同鯁
舜似要戾封號頡羹靈府天和流玉薤露盤詩思靈
金莖腹腴踏脆皆吾欲二者難兼恐物情
貧富因君嘆不平食前方丈對羸罍一簞雖具黃糧
飯滿豆長空碧澗羹糲料不聞波底語秋光時見贖
間莖細思清苦多吾輩愈見蒼蒼責備情

和幹臣詩魔韻

倦懷欲罷不能回啾唧嚶雜嘆欵清禁事嚴微服
入華山峰好倒看來禁持作祟非無謂狂斐緣渠不
解裁鳥瘦郊寒遺像在至今追想日悠哉
詩家何苦似魔為遠紹傍搜沒了期鼓舞有舒還有
條禁持似醉復如癡鼎邊苦思多窮夜江上寃魂獨
語時伴老此生成底事乾坤清氣幾人知

睡魔和韻

醺然一氣熱相纏不是晡時即午前脫就枕九無所
濟昏明心境陡相懸見侵多自群疑後澄治無如一
敬先不羨老歐能善變化為鸚鵡舞翩翩
欠呵舒挽速如神不是愁縈即思焚釀就黑甜濃有
味撓昏靈府黯無聞魂遊纏老三峰客茗戰摧空七

碗勲經事不為渠所泥邊韶便腹見多文

和幹臣齒痛詩韻

硬齧豪餐養老饕先生編具若為牢熟流支脉知來
漸痛拔孤根訝許高縱使舌存宜晦默更堪心苦恣
焦勞休休事事從輕減急手先湏止濁醪

折齒吟自慰

朝來齒折五神驚勢若山為朽壤傾缺豁醜於韓子
態嘯歌妨盡幻輿情病根何益華池漱五色空傳幻
術生駢潔浮危雖自取世間何物不虧盈

適見摠府應

詔薦章偶得一詩庶明鄙意呈幹臣

齒牙缺豁雪蒙頭更有何心接俊游一自

詔條頽雨露盡催遺逸起林丘韞藏積玉知無限制
畫無玷取可羞經濟斯時公等在此身天地一虛舟

寄胡紫山提刑

蒼顏白髮兩衰翁前歲將翔馬首東常喜笑談猶不
淺靜思行止略相同闔門凍鎖連江兩瘴海炎吹發
屋風兩地生還幸無事更何心到炬蓮紅

寄六祖真人

涉世筋骸百不堪只堪打坐老書龕脉難遠矚目全
眊聽不能聰耳謬耽臂痛帶來梅嶺濕心煩漸染瘴
江炎客來問訊承佳意蓄縮其如向老蚕

五月八日同幹臣遊取家池上

跼促城居鶴繫籠荷池上暫從容花明淡灩池光

外詩在扶疎樹影中老厭宦游追俊老天教閑處著
踈慵日斜尚約遲遲去散坐高槐洒晚風

和幹臣山居

細想山居有足論既便嘉靖不知貧霜封幽谷收朋
栗水漲前溪送東薪茂樹坐移隨所適良苗耘罷見
懷新隱居不見求高意千古淵明最可人景聯一作樽酒相勞

鄰曲厚樹林交蔭鳥聲新

山中有樂誠為論石上無禾未是貧溪隴園田多滯

德霜催林葉自添薪醉談有味漁樵熟野飯加餐筍

蕨新大朴散來非復古隱居求志果何人一作半道

黃階林孤唱曉樵薪危葛春曠雲腴荏園摘秋葵露
葉新朝吟樽遊芳醪職夜話蠶煨紫辛新遠壠秋餘
多帶德中林霜後半溪新時耕
白水觀秋細日研青山白負薪

隱仕初終絕異論淵明憂道不憂貧比如違已心交
病何似行歌自負薪意外風波平地險山間煙景四
時新此生只向黃塵老笑煞羲皇向上人

和幹臣以目疾詩相傲

老來襟袍百無圖遮眼唯便幾葉書不尔心神渾散
湧豈知目力陡乖踈晚年愈種玄花盛平日豪吞綠
醕餘氣習屏除元易事急須顛倒坎離居

常倚精神壯未殊有時豪飲痛觀書形骸未化無非

苦寢餘其間敢自如赤貫瞳人昏若蔽濕留眉并吟

難除人憑手眼今如此更有何心望玉除時往往傳
余有翰苑

之命
故云

掃晴婦

今年夏六月初方雨凡六日不止前去秋
節止北三日亟晴秋種生發能有幾日又
諺云秋后一十八日百粒不結已種者為
雨所拍艱於出糞方種者嗚土粘濕不易
耨作兒子輩戲作掃晴婦懸之前簷明日
開霽因作是詩以見其意云

澹粧烏髻綠衣衫一線高懸舞畫簷笑着茗枝揮素
手盡驅雲影入蒼巖掃晴既出兒曹戲指日何殊艾
子談百穀近秋苗未立義和先斂隴頭粘

江山萬里圖

勝覽何人作此圖雄誇天險亦區區經營意匠羣工
上慘澹風煙百戰餘並纏相夷嶺宋魏舞千來遠羨

唐虞只今

一統無南北正要懷柔謹厥初

漢一作真類

乘追奔秦處此山虞

江山列地出新圖限隔東南見奧區與校廟謨雖有
間細看邊備到無餘忌功去介甘捐蜀併力亡金笑
假虞千古羨芹高議在不應成敗論終初

喪馬和幹臣韻

大夫而後不徒行為罄囊金市此乘耳削秋筠分額
髮臆團孤月映鈎膺長鳴尚憶看雲立論力空懷以
德稱得失塞翁深領會天教閑坐看飛騰

過郭璞墓

青囊書秘造精深英法人傳冠古今一死祗緣撩虎

墓在金山西北大江中流亂石間有叢薄
鵝鵝棲集望之如蒼雪者蓋鳥矢也

尾孤墳何故葬江心師從鬼谷宜多恠山湧胥濤不
寸侵世傳江雖大我特回舟醉公去翻翻寒鵲落蒼
岑一作舟過亂灘無所
寒鴉蒼雪滿崎嶇

佛狸祠在瓜洲城

江山照眼舒清眺千古興亡隨眼前瓜步市長連野
成佛狸祠古慘荒煙拖樓看取平吳日父老空傳飲
馬年此日不須開濁浪好風都屬往來舡

即事三詩奉呈幹臣明府詩友辛卯六月初

鯨殪苗夷併放驩九官相讓濟時艱閭閻有喜科差
少煙火全疎傳舍閑兩澤潤寬無遠邇

詔條恩溥到惇鯨

聖皇撫御超前古慶曆元和未易攀

恩書一札變虞驩盡革前非免後艱星影不搖天宇

靜邊度無事羽書閑震霆推惡無留抃霖雨思賢到

有鰥若把古先相比擬周成唐憲敢躋攀占法云民

搖動

巖廊吁咈颯工驩萬死猶難謝世艱向奉御禋列死

其膺今相哥自請死同亮列為念民岩深碩畏

自裁書詔盡防閑求賢不啻飢和渴發政常先寡與

鰥蟻虱小臣雖片善一時鱗翼盡期攀今歲自二月

降裁詔條皆出自

韓齋小集呈幹臣詩交辛卯十月十日

十日秋霖不出門偶同黎杖步城根故人雅有平生
好尊酒時陪一笑溫野菊翻香吟晚節露茵團蓋任

朝曦暮歸欲乞天孫巧却歎儀曹是妾論

送同仁甫之任武陟

寬則民輕猛則殘化行州縣固應難紀綱綜務見常
操臺閣推勞不素餐能使弦歌千室樂何憂風雪一
家寒來辭請益吾何有一札 恩書與細看

秋澗先生大全文集卷二十

